

आकाशवाणी

खबरां

1. प्रधानमंत्री नरेन्द्र मोदी होरें आखेआ ऐ जे आलमी सतह पर रमानदारी, स्थिरता ते खुशहाली गितै भारत गी इक आत्मनिर्भर राश्ट्र बनना गै होग।
2. प्रधानमंत्री होरें गुजरात दे प्राचीन शैह लोथल च राश्ट्री समुंदरी विरासत परिसर-एन.एम.एच.सी दी प्रगति दी समीक्षा कीती। एह दुनिया दा सबनें शा बड्डा समुंदरी अजैबघर होग
3. रक्षा मंत्री राजनाथ सिंह होर रक्षा सरबंधें गी मजबूती देने दे मकसद कन्नै मोरक्को दे पैहले-पैहले ऐतिहासिक दौरे पर जा'रदे ना।
4. व्हाइट हाउस नै एच1बी वीजा नीति बारै स्पष्टीकरण जारी करदे होई आखेआ ऐ जे 1 लक्ख डॉलरें दा शुल्क, छड़ा इक्के बारी पैहली बारी आवेदन करने आहलें शा गै लैता जाहगा।
5. एशिया कप टी20 क्रिकेट प्रतियोगिता दे सुपर4 दे इक अहम मुकाबले च अज्ज भारत दा मुकाबला रिवायत हरीफ पाकिस्तान कन्नै होग।

PM-Atmanirbhar

प्रधानमंत्री नरेन्द्र मोदी होरें आत्मनिर्भर भारत पर ज़ोर दि'दे होई आखेआ ऐ जे भारत दा सबनें शा बड्डा दुश्मन बदेशें पर ओहदी निर्भरता ऐ ते देशै गी एहदे शा बाहर निकलना होग। उ'नें सेमीकंडक्टर चिप्स थमां लेइयै ज्हाजें तगर सबनें खेत्तरें च घरेलू उत्पादन दे महत्व दा जिक्र कीता। श्री मोदी होरें कल गुजरात दे भावनगर च 'समुंदर थमां समृद्धि' कार्यक्रम च आखेआ जे 140 करोड़ भारतीयों दा भविष्य बाहली ताकतें दे हथें च नेई छोड़ेआ जाई सकदा ते नां गै राश्ट्री विकास दी वचनबद्धता बदेशें पर निर्भर होई सकदी ऐ। उ'नें घोषणा कीती जे सैकड़ें समस्याएं दा इक्क गै समाधान ऐ: आत्मनिर्भर भारत दा निर्माण। प्रधानमंत्री होरें आखेआ जे इस लक्ष्य गी हासल करने लेई चुनौतियों दा सामना करना होग, बाहली निर्भरता घट्ट करनी होग ते सच्ची आत्मनिर्भरता दा प्रदर्शन करना होग। श्री मोदी होरें आखेआ जे 2047 तगर विकसित भारत दे सुखने गी साकार करने लेई इक आत्मनिर्भर राश्ट्र दे रूपै च दुनिया दे सामने भारत दे खड़े होने दा समें आई गेआ ऐ। उ'नें आखेआ जे वैश्विक शांति, स्थिरता ते समृद्धि लेई, दुनिया दे सबनें शा मती आबादी आहले मुख्य गी आत्मनिर्भर बनना होग। भारत गी इक समुंदरी महाशक्ति बनाने दे अपनी सरकार दे नजरिये दा जिक्र करदे होई प्रधानमंत्री होरें आखेआ जे देशै दा लक्ष्य 2047 तगर वैश्विक समुंदरी बपार च अपनी हिस्सेदारी गी त्रै गुणा बधाना ऐ। श्री मोदी होरें आखेआ जे देश हून अपनी विरासत गी फही हासल करने ते इक वैश्विक समुंदरी शक्ति दे रूपै च उभरने लेई सख्त मेहनत करा'रदा ऐ। कार्यक्रम दे दरान, प्रधानमंत्री होरें 32 हजार करोड़ रुपें शा मते दी केई परियोजनाएं दा लोकार्पण कीता ते नीहू पत्थर रक्खेआ। श्री मोदी होरें 7 ज्हार 800 करोड़ रुपें शा मते दी लागत दी केई बड्डी समुंदरी परियोजनाएं दे कन्नो-कन्नो मुंबई अंतर्राष्ट्री कूज़ टर्मिनल दा बी उद्घाटन कीता। मगरा, प्रधानमंत्री मोदी होरें अहमदाबाद दे कोल प्राचीन शैह लोथल च राश्ट्री समुंदरी विरासत परिसर-एन.एम.एच.सी दी प्रगति दी समीक्षा कीती। एन.एम.एच.सी दा विकास 4 हजार 500 करोड़ रुपें दी लागत कन्नै कीता जा'रदा ऐ। सोशल मीडिया पोस्ट च श्री मोदी होरें आखेआ जे पूरा होने दे बाद एह दुनिया दा सबनें शा बड्डा समुंदरी अजैबघर होग ते एह भारत दिएं प्राचीन समुंदरी परंपराएं गी प्रदर्शित करग ते सैलसफा, शोध, शिक्षा ते कौशल विकास दे केंद्र दे रूपै च बी कम्म करग। प्रधानमंत्री होरें धोलेरा स्मार्ट सिटी दा ब्हाई सर्वेक्षण बी कीता।

<><><><><><>

Rajnath-Morocco

रक्षा मंत्री राजनाथ सिंह होर अज्जै थमां मोरक्को दी आधिकारिक यात्रा पर रवाना होडन। एह भारत दे कुसै बी रक्षा मंत्री हुंदी मोरक्को दी पैहली यात्रा होग, जेड़ी दौनें मुख्यें बश्कार बददे रणनीतिक सहयोग

गी दर्शादी ऐ। सोशल मीडिया दी इक पोस्ट च री सिंह होरें आखेआ जे यात्रा दरान रक्षा, रणनीतिक ते उद्योग सहयोग गी मजबूत करने आस्तै ओह मोरक्को दे रक्षा मंत्री अब्देलतीफ लौदियी हुंदे कन्नै दपक्खी बैठक लाडन। ओह बेरेचिज च टाटा एडवांस्ड सिस्टम्स मोरक्को दे Wheeled Armoured platform दे नमें विनिर्माण संयंत्र दे उद्घाटन च बी शामिल होडन।

<><><><><><>

Goyal-US

उद्योग ते बपार मंत्री पीयूष गोयल हुंदी अगुवाई च इक प्रतिनिधिमंडल आस्तै अमरीका जाग। मंत्रालय मूजब एहदा मकसद भारत ते अमरीका बश्कार बपार गल्लबात गी अगगे बढ़ाना ऐ ते आपसी हित कन्नै लाहकारी समझौते गी खीरी सकल देना ऐ। मंत्रालय नै आखेआ ऐ जे अमरीका दे बपार प्रतिनिधिएं दा इक दल इस म्हीने दी 16 तरीक गी भारत आया हा। इस दरान बपार समझौते दे बक्ख-बक्ख पैहलुएं पर सकारात्मक गल्ल होई ते इस सरबंध्यै च जत्तें गी तेज करने दा फैसला लैता गेआ हा।

<><><><><><>

White House

अमरीका नै नमीं एच-13 वीजा नीति बारै इक महत्वपूर्ण स्पष्टिकरण जारी कीता ऐ। इस नीति गी लेइयै प्रौद्योगिकी उद्योग च यक्को-तक्की, डर ते चिंता दी स्थिति बनी गेई ऐ। स्पष्टीकरण च आखेआ गेआ ऐ जे नमी नीति च इक लक्ख डालरें दा शुल्क छड़ा नमें आवेदकें पर लाया जाग ते एह इकमुश्त भुगतान होग। व्हाइट हाउस दी प्रेस सचिव कैरोलिन लेविट होरें नमी नीति दे लागू होने दे किश घंटे पैहले आखेआ जे जिनें लोकें कश पैहले सोयां एच-1 बी वीजा ऐ ते मौजूदा समें च मुख्य थमां बाहर न, उन्दे थमां परतिए वापस औने आसतै इक लक्ख डालर दा शुल्क नेई लैता जाग।

<><><><><><>

H-1B Visa

भारत नै आखेआ ऐ जे ओह एच-1 बी वीजा आवेदनें पर इक लक्ख डालर दा शुल्क लाने दे अमरीका दे फैसले दे असर दी जांच करा'रदा ऐ, पर इस गैंऽ दा आम लोकें पर असर पेई सकदा ऐ। विदेश मंत्रालय नै आखेआ ऐ जे भारती उद्योग सने सारे सरबंध्यत पक्ख अमरीका दे एच-1बी वीजा कार्यक्रम पर प्रस्तावित पाबंदिएं दे पूरे असर दा अध्ययन करा रदे न। विदेश मंत्रालय दे प्रवक्ता रणधीर जयसवाल होरें इक बयानै च आखेआ जे भारत ते अमरीका दे उद्योगें गी नमिएं काहड़ें ते रचनात्मकता च दिलचस्पी ऐ ते इस भेठा विचार-विमर्श होने दी ते करने दी मेद कीती जाई सकदी ऐ।

<><><><><><>

GST-Helpline

उपभोक्ता मामले सरबंध्यी मैहकमे नै अगली पीढ़ी दे जीएसटी सुधारें तैहत राश्ट्री उपभोक्ता हेल्पलाइन पर जीएसटी सरबंध्यी शकैतें गी हल करने दी सुविधा शुरू कीती ऐ। उपभोक्ता मामले ते सार्वजनिक बंड सरबंध्यी मंत्रालय नै इक बयानै च आखेआ ऐ जे कल्लै थमां प्रभावी संशोधित जीएसटी दरें ते छूट दी अमलावरी मगरा उपभोक्ताएं गी पुच्छ-गिच्छ ते शकैतें दे हल आस्तै एकीकृत पोर्टल शुरू कीता गेआ ऐ।

<><><><><><>

India-Pak

दुबई च एशिया कप टी-20 क्रिकेट च अज्ज भारत दा सामना पाकिस्तान कन्नै होग। एह मैच भारतीय समें मूजब रातीं 8 बजे थमां शुरू होग। प्रतियोगिता च दौनें टीमें बश्कार एह दुआ मुकाबला होग। भारत नै पिछले हफ्ते होए दे मुकाबले च पाकिस्तान पर 7 विकटें कन्नै शानदार जित्त हासल कीती। एशिया कप दे इतिहास च भारत सब्बने थमां सफल टीम रेई दी ऐ जिन्नै 8 बारी खिताब अपने नाऽ कीता। एहदे बाद श्रीलंका नै 6 बारी ते पाकिस्तान नै छड़ा 2 बारी एह प्रतियोगिता जित्ती ऐ।

<><><><><><>

Badminton

चाइना मास्टर्स बैडमिंटन प्रतियोगिता च भारत दे सात्विक साइराज रंकी रेड्डी ते चिराग शेट्टी दी जोड़ी दा मुकाबला दक्खन कोरिया दे किम वन हो ते सिओ सियुंग जाई दी जोड़ी कन्नै होगं भारती जोड़ी नै सेमीफाइनल च ओलंपिक विजेता मलेशिया दे आरोन चिया ते सोह वोइ यिक दी जोड़ी गी 21-17, 21-14 कन्नै हराया।

<><><><><><>

IMD

मौसम विभाग नै अज्ज असम, मेघालय, नागालैंड, मणिपुर, मिजोरम, त्रिपुरा ते तेलंगाना च बक्ख-बक्ख थाहरें पर भारी बरखा दी मेद दस्सी ऐ। विभाग मूजव दक्खन पच्छिम मध्य प्रदेश, उप हिमालयी पच्छिम बंगाल, सिक्किम, बिहार, पूर्वी उत्तर प्रदेश ते पूर्वी राजस्थान च अज्ज हल्की थमां दरम्याने दर्जे दी बरखा होने दी मेद ऐ। मौसम विभाग नै आंध्र प्रदेश, कर्नाटक, झारखंड, ओडिशा, सिक्किम ते अंडमान निकोबार टापुएं पर अगले त्र थमां चार दिनें दरान गरज कन्नै बिजली चमकने ते तेज हवा चलने दी संभावना जताई ऐ।

<><><><><><>